



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՎԱՐՉԱԿԱՆ ԱԿՏ N 1508690
ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ

15 հունիսի 2020թ.

Բ. Երևան
(կազմման վայրը)

Ակտի հասցեատեր

Ա/Ձ Արուսյակ Հովհաննիսյան

(անհատ ձեռնարկատիրոջ անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

7	7	9	4	9	3	5	5
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

Սյունիքի մարզ, ք.Սիսիան, Գայի փող. 12շ. 27բն.

(անհատ ձեռնարկատիրոջ հաշվառման հասցեն կամ իրավաբանական անձի գրանվելու վայրի հասցեն)

Խախտման նկարագրությունը

ՀՀ ՊԵԿ ՀՕՀ վարչության պետի 08.05.2020թ-ի թիվ 1508690 որոշման համաձայն Ա/Ձ Արուսյակ Հովհաննիսյանի նկատմամբ իրականացված օպերատիվ-հետախուզական միջոցառումների շրջանակներում 21.05.2020թ-ին անհատ ձեռնարկատիրոջ «Xanutinfo» ֆեյսբուքյան կայքի առցանց խանութից կատարվել է գնում մեկ հատ ջինսե տաբատ 12.000 ՀՀ դրամ արժողությամբ: Նույն օրը ժամը 15:30-ի սահմաններում պատվիրված ապրանքը «Հալաբյան» տաքսի ծառայության վարորդ Գագիկ Գրիգորյանի կողմից առաքվել է ք.Երևան, Անդրանիկի 79 հասցե, որտեղ ժամը 15:37-ին վարորդը հանձնել է ապրանքը, որի դիմաց նրան վճարել են 12.000 ՀՀ դրամ և 1.000 ՀՀ դրամ առաքման ծառայության գումարը: Մինչդեռ առաքված ապրանքի հետ վարորդի կողմից որևէ հաշվարկային փաստաթուղթ չի տրամադրվել:

ՕՀՄ-ի շրջանակներում գրավոր հայտարարություն է ներկայացվել Գագիկ Գրիգորյանի կողմից, որով վերջինս հայտնել է, որ աշխատում է «Հալաբյան» տաքսի ծառայությունում, որպես վարորդ և ժամանակ առ ժամանակ Արման Թումասյանի պատվերով կատարում է նաև ապրանքների առաքում: Առաքված ապրանքներից ստացված գումարները հանձնել է Արման Թումասյանին, որի դիմաց իրեն որևէ փաստաթուղթ չի տրամադրվել:

Իրականացված օպերատիվ հետախուզական միջոցառումների շրջանակներում գրավոր հայտարարություն է ներկայացվել նաև Արման Թումասյանի կողմից, որով վերջինս հայտնել է, որ

հանդիսանում է Արուսյակ Հովհաննիսյանի քաղաքացիական ամուսինը և իրենք ունեն ընտանեկան փոքրիկ բիզնես, որը իրականացնում են իր կնոջ Ա/Ձ Արուսյակ Հովհաննիսյանի միջոցով: Հաջորդիվ նշել է, որ գործունեությունը իրականացնում են ֆեյսբուքյան հարթակներում, մասնավորապես՝ նշված կայքում տարածում են իրենց կողմից վաճառվող ապրանքները և պատվեր ստանալու դեպքում փոխանցում են ապրանքը տաքսիի վարորդին, վերջինս էլ ապրանքը առաքում է հաճախորդին: Միաժամանակ Արման Թումասյանը հայտնել է, որ վաճառում են տարբեր տեսակի ապրանքներ, այն է՝ գիրք, կոշիկ, շոր և Ա/Ձ-ի ամսական միջին շրջանառությունը կազմում է 90.000 ՀՀ դրամ:

ՀՀ ՊԵԿ տեղեկատվական համակարգի ուսումնասիրությամբ պարզվել է, որ ընդհանուր 12.000 ՀՀ դրամ արժողությամբ ապրանքների մատակարարման համար անհատ ձեռնարկատիրոջ կողմից 21.05.2020թ-ին ժամը 15:37-ի դրությամբ դուրս չի գրվել համապատասխան հաշվարկային փաստաթուղթ:

Վերոգրյալը հաստատվել է նաև Արուսյակ Հովհաննիսյանի կողմից 22.05.2020թ-ին տրված գրավոր հայտարարությամբ, միաժամանակ վերջինս հայտնել է, որ ապրանքը գնորդին է մատակարարվել առանց հաշվարկային փաստաթղթի և ՀԴՄ կտրոնի, քանի որ գնորդի վերջնական որոշումը հայտնի չի եղել:

Թիվ 1508690 արձանագրությամբ 21.05.2020թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել վարչական վարույթին: Գործում առկա չեն լրացուցիչ ապացույցներ, չեն ներկայացվել միջնորդություններ:

Այսպիսով, խախտվել է ՀՀ հարկային օրենսգրքի 57-րդ հոդվածի 1-ին մասի պահանջները, ըստ որի ՀՀ տարածքում մատակարարվող կամ տեղափոխվող՝ շարժական, նյութական գույք հանդիսացող ապրանքների (բացառությամբ հանրային ծառայություններ մատուցող հարկ վճարողների կողմից հանրային ծառայությունների ենթակառուցվածքները շահագործելու և (կամ) սպասարկելու նպատակով տեղափոխվող ապրանքների, Կառավարության սահմանած ցանկում ներառված ոլորտներում գործունեություն իրականացնող հարկ վճարողների կողմից տեղափոխվող հիմնական միջոցների, ինչպես նաև խողովակաշարերով և էլեկտրահաղորդման գծերով ապրանքների և արտարժույթի) մատակարարումը կամ տեղափոխությունը պարտադիր կարգով իրականացվում է ուղեկցող փաստաթղթերով:

Կատարված խախտման համար պատասխանատվություն է նախատեսված ՀՀ հարկային օրենսգրքի 410-րդ հոդվածի 1-ին մասի 1-ին կետով, ըստ որի «Օպերատիվ-հետախուզական գործունեության մասին» ՀՀ օրենքով սահմանված կարգով իրականացվող օպերատիվ-հետախուզական միջոցառումների ընթացքում ապրանքների մատակարարման կամ տեղափոխության փաստաթղթավորման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուղեկցող փաստաթղթով կամ առանց ուղեկցող փաստաթղթի ապրանքների մատակարարման կամ տեղափոխության հայտնաբերման դեպքում, բացառությամբ սույն հոդվածով սահմանված դեպքերի, խախտման հիմք հանդիսացող գործարքի կամ գործողության մասով՝ գանձվում է տուգանք այդ ապրանքի գնի (արժեքի) 50 տոկոսի չափով, բայց ոչ պակաս 200 հազար դրամից:

Տվյալ դեպքում Ա/Ձ Արուսյակ Հովհաննիսյանի կողմից խախտումը վերջին 1 տարվա ընթացքում կատարվել է առաջին անգամ: Ապրանքների ընդհանուր գումարը կազմում է 12.000 ՀՀ

դրամ, որի 50%-ը կազմում է 6.000 ՀՀ դրամ, ուստի օրենսդրական պահանջից ելնելով Ա/Ձ Արուսյակ Հովհաննիսյանի նկատմամբ կիրառելի է 200.000 ՀՀ դրամ տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

Որոշեցի

- Հաշվարկել և Ա/Ձ Արուսյակ Հովհաննիսյանին գանձման առաջադրել 200.000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 410-րդ հոդվածով սահմանված տուգանք ընդամենը, որից՝	200.000	պետական բյուջե	900008000490

- Ընդունել ի գիտություն՝

1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:

2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:

3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:

4) Սույն վարչական ակտը կազմվել է երեք օրինակից:

ԻՎ պետ Ա. Մնացականյան

Վարչական ակտն ընդունող պաշտոնատար անձի
պաշտոնը, անունը և ազգանունը

Կ.Տ.



ստորագրությունը

Ստացա ակտի մեկ օրինակը

ընդամենը 3 էջ

Ա/Ձ Արուսյակ Հովհաննիսյանի

Ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ
ձեռնարկատեր նշումով) իրավաբանական անձի գործադիր
մարմնի ղեկավար (գրագրության ընդունման համար
պաշտասխանադրու անձ՝ հալուկ առաքման դեպքում)

ստորագրությունը

” ” ” 2020թ.

(նշում ակտը ստորագրելուց և (կամ) ստանալուց հրաժարվելու մասին)